

Inatsisartut suleriaasianni § 37 naappertorlugu matumuuna Naalakkersuisunut imaattunik apeqquteqaatinik saqqummiussivunga:

Apeqqutit:

1. Imeruersaatit soorlu sodavandit immiaaqqallu utertittagaangitsunik puullit pisiniarfinni tuniniarneqarsinnaanerat ammaanqassappat Nuuk Imeq-mut aningaasaqarniarnikkut suliassaqaarniarnikkullu qanoq kinguneqarsinnaanera Naalakkersuisunit qanoq ilimagineqarpa?
2. Imeruersaatit utertittagaangitsunik puullit tuniniarneqarsinnaanngornissaat anguniarlugu Nuuk Imeq-p kisermaassisuunermik pigisaqarnera Naalakkersuisut allannortissallugu piumassuseqarpat?
3. Imeruersaatit pineqartut soorlu ilaatigut qillertuusanik puullit tuniniarneqarsinnaanngussappata avatangiisimut qanoq sunniuteqassanersoq Naalakkersuisut qanoq ilimagaat?
4. Imeruersaatit immiaaqqallu qillertuusanik puullit puuisa utertittaganngortinneqarsinnaanerat Naalakkersuisut isumaliutigisinnaavaat?
5. Imeruersaatit immiaaqqallu qillertuusanik puullit puui utertittaganngortinneqassappata utertitsisarnermut nutaamik (annertusisamik) aqqissuussineq aningaasartuutini sunik nassataqassanersoq Naalakkersuisut ilisimavaat?
6. Imeruersaatit immiaaqqallu qillertuusanik puullit puui utertittaganngortinneqassappata inuussutissarsiuteqartunummita qanoq kinguneqassasoq Naalakkersuisut naatsorsuutigisinnaavaat?

(Inatsisartuni ilaasortaq Anders Olsen, Siumut)

Tunngavilersuut:

Nunatsinni imeruersaatitigut pisiarineqarsinnaasut ilaatigut annertuumik killeqartinneqarput Nuuk Imeq-up kisermaassisuunermik ingerlatsinera pissutaalluni. Nunani allani sanillersuuttakatsinni ilaatigut sodavandit ilisarisimanearluartut soorlu Pepsi, Sprite aammalu 7-up tamanit killilersugaangitsumik tunisaapput ineriartortinneqarlutillu. Nunatsinnili imeruersaatit taakkua pisiniarfinni tuniniarsinnaatitaanngillat utertittakkanik pooqartinneqannginnerat pissutaalluni.

Tamannalu tunngaveqarpoq nunatsinni sodavandinik tunisassiorneq Nuuk Imeq-up kisermaassilluni ingerlammagu, taamaalilluni sodavandit immiaaqqallu puiaasaaqqanik utertittakkanik pooqartinneqartut kisimik niuertarfinni tuniniarneqarsinnaatitaanerat inatsisitigut periarfissaalluni.

Ukiuni 30-inngulersuni kisermaassineq aqputaalluni imeruersaatinik taakkuninnga taamaallaat pisiaqarsinnaatitaaneq tamaanga killeqartariaqalersoq isumaqarpunga, naak puiaasaaqqanik utertittakkanik aqqissuussisimaneq mingutitsinnginnerunissaq eqqarsaatigalugu pitsaasutut taaneqarsinnaagaluartoq.

Kissaatigaara apeqquteqaatika ullut suliffiit qulit iluanni akineqarsimanissaat